

zuzendariari

(0034) 943 300 222



zuzendariari@egunkaria.com



Martin Ugalde kultur parkea 20140 Andoain

Maxurrenea

Ester Hermandorena (eta beste 60 sinadura gehiago) • LEITZA

Behean sinatzen dugunok, Leitzako San Migel auzoko bizilagunok, idatzi honen bitartez gure ezinegon, haserrea eta kexa adierazi eta publiko egin nahi dugu. Izan ere, Nafarroako Gobernuak erabaki du gure auzoan, Maxurrenea etxean hain zuzen, Guardia Zibilaren kuartel bat kokatzea eta, gure ustez, erabaki horrek honako ondorioak ekarriko ditu:

1. Aipatutako etxea, kuartel gisa erabiltzeko den hori, gure etxeen ondo-ondoan dagoenez, espazio militarizatu batean bizitzera behartuko gaitu.

2. Halakorik ez gertatzea espero badugu ere, edozein enfrontamendu armatutan ezinbestean gertatzen diren bigarren

mailako ondorioek segurtasun falta sortzen dute.

3. Gure bizi kalitatea murriztuko da, beren burua eta eraikina bera defendatzeko eta zaintzeko lanetan agente armatuak etengabe inguruan edukitzeak sortzen duen tentsioa dela eta.

4. Proposatu den kuartelak, eraikina-ren dohaintzaren helburua urratzeaz gain, ez die inolako irtenbiderik ematen bertan biziko diren agenteei eta, gainera, auzoak kaltetzen ditu, bai alor pertsonalean eta baita beren ondasunetan ere.

Gure ahotsak okerreko erabaki hau konpontzen lagunduko duelakoan.

Gotzainen pastoralaz

Roman Garmendia • DONOSTIA

Katoliko bezala adi egotea komeni zait


nire artzainen esanei, baina elizan, batzarra grekeraz, nik ere badut nire iritzia emateko aukera. Burugabekeria da mundu honetako edozer ipintzea Jesusen Jainkoaren aurretik, dezepzionatu egingo nauelako beti, eta horretaz badut idatzia liburu bat (*Gure jakintzaren mugak*, Dakit argitaldaria), beraz nik Euskal Herria maite dut baina ez dut adoratzeko, hori nire Jainkoarenganako gordetzen dut bakarrik. Eta Euskal Herria maite duen edozein erraz ohartzeko da, hizketa aristotelikoa erabiliz, pribazio bat bizi duela herri honek, eta bere aktualizatzeko egiazkoena independentzian dagoela, askatasunean. Baina askatasuna burugabea da elkartasuneko ez bada, maitasunean oinarritzen ez bada (kontrakoa izango litzateke askatasuna gorrotoetan oinarritzea, eta hor askatasuna, gerra

dela eta, murriztua da). Beraz, nik Euskal Herriaren naziotasunaren aktualizatzeko egiazkoena independentziara darian prozesu soberanista bat martxan jartzekoan dakusat, baina, gotzainek dioten moduan, ez da edozein modu zilegi. Bide inmoralek ere nik arbuiatu egiten ditut, eta ez bakarrik dekretuz, saiatzeko naiz argudiatzen arrazoitzen bide inmoralek itxuraz mundu honetan nagusigoak lortzeko balio badute ere sarritan, sarriegitan ere, ez dutela ezertarako balio arima galduz gero.

Zuzenketa

Akats bat medio, 3. orrialdeko atzoko Iñaki Azaldegiren artikularen titularrak gaizki argitaratu zuen EGUNKARIAK, 'TEPE eta ERPN' jarri zuelako 'TEPE eta EBP'N'-ren ordeez. Barkamena eskatzen diegu egileari eta irakurleei.

montxo



galdeiozu... ?



ANDER VILARIÑO

Auto gidaria

Auto gidari batek zer entrenamendu mota egiten du? Gidatzeaz gain egiten al duzue beste ariketa fisikorik edo?

Mikel Iriarte (Donostia)

Pilotu bakoitzak bere entrenamendua egiten du. Formulak oso gogorrak dira eta gidatzeko prestakuntza beharrezkoa da, baina prestakuntza hori oso berezia da.

Bi zati daude: autoarekin entrenamendua zirku-tuetan —esaterako Bartzelonan, Valentzian, Madrilen, Frantzian edota Italian— eta prestakuntza fisikoa. Ni arraunean asko aritzen naiz, eta gero leporako eta besoetarako ariketak ere egiten ditut. Prestatzaile batekin lan egiten dut, eta batez beste, bi orduz entrenatzen dut egunero.

Abenduaren 3tik aurrera **Oskar Goñi • Udalbiltzaren Batzorde Eragilearen koordinatzailea** izango da Galdeiozu ataleko gonbidatua. Bidali zure galderak ordurako. galdeiozu@egunkaria.com

hirusta



Castillo Suarez

Beti bezala

Berandu nindoan bilera batera eta kotxeko irratia piztu nuen ez urduritzeko. Donostian egiten den urte zaharreko festa bat iragartzen ari ziren, sarrerak dagoeneko salgai daudela iragarritz. «Zeinen goiz» pentsatu nuen nire artean, baina egia da azaroko azken egunetan gaudela eta, urtero bezala, gabon aurreko zurrumbiloan murgildu gara ia oharkabea. Irargariz beteko zaigu telebista, loteria nonahi, bazkari eta afari familiarak, ilobentzako opariak eta gastuak oro har. Horrela, beste urte baterako utziko dugu aurreztu eta etxebizitza-kontua irekitzearena.

Sindikatu baten egoitzan nuen bilera eta iritsi nintzenean hasi gabeak ziren oraindik. Jendearen joan-etorria ikaragarria zen. Hauteskunde sindikaletan daudela nabari da eta jendez beterik daude sindikatu-etako egoitzak. Aurpegi ezagunak ikusi nituen abokatuaren zain. Ezin izan nuen saihestu beraiek ere arazo

laboralak izanen dituzten pentsatzea. Nork ez ditu lan-arazoak gaur egun? Nor dago konforme bere lan-baldintzekin? Lan-harremanetarako esparruarekin? Gobernuak eskatzen duten malgutasunarekin?

«Hauteskundeek duten gauzarik hoberena urtero ez direla egiten» esan didazu bileratik ateratzean. Nik irri egin dut. Aurten nirekin etorriko zarela Durangoko azokara esan didazu, urtero bezala. Azoka bezperan gaude eta gutxi izanen dira oraindik ohartu ez direnak: egunero bada nobedaderen baten aurkezpena eta nire marka hausteko baldintza guztiak betetzen ari dira, iaz hogeita hamar libururekin (oparituak barne) bueltatu bainintzen etxera. Hala ere, liburuak erostea baino zerbait gehiago da Durangokoa. Ikaragarri gustatzen zait bere osagai soziala. Durangoko azokak duen gauzarik hoberena da urtero egiten dela.